

بِسْمِ اللَّهِ الرَّحْمَنِ الرَّحِيمِ

# KHUTBA JUMMAH

HAZRAT MUHYI-UD-DIN AL-KHALIFATULLAH

*Munir Ahmad Azim*

30 Septembre 2016 ~  
(28 Dhul-Hijjah 1437 Hijri)

**(Résumé Khutba)**

**Après ki li fine salué tous so bane disciples (et tous bane musulmans) entier le monde avec la salutation de paix dans l'Islam, Hazrat Muhyi-ud-Din (atba) fine lire Tashahhud, Ta'uz, Surah Al Fatiha, et li fine ensuite cause lors « La Spiritualité et l'Amour dans La Vie Conjugale ».**

La Spiritualité li pas ene ensemble de bane sentiments vagues ki le musulman éprouvé mais c'est ene pratique quotidien pour la réussite dans sa lé monde là et dans l'au-delà (Aakhérat).

Vive en couple li pas ene kitchose facile parski sa désire ki nous vine libre là et ki nous pas contraint par l'autre (c'est-à-dire, soit le mari ou la femme) li supérieure à nous désir pou construire ene famille. Mais, pour le musulman, la famille li sacré. Couma Quran affirmé, sak musulman bizin réfléchi lor place de sak mot, de sak verset.

**« Parmi So bane signes : Li fine créer pou ou, bane femmes de ou qualité, pou ki ou vivre en tranquillité avec zot, et Li fine mette entre ou l'affection et la bonté. Ena vraiment là-dans bane signes pou dimoune ki réfléchi. » (Ar-Rum 30: 22).**

La survie de l'humanité passe par la famille. Actuellement, nous pé assisté ene diminution dans le nombre de mariage. De l'autre côté, c'est la vie libre en couple etc. (c'est-à-dire, concubinage) ki pé vine de plus en plus fréquents et bane conflits ki lever en résultat de sa fine vine également beaucoup pli fréquent. Dans le monde, concubinage (vivre en couple sans mariage) ena pour conséquence ki plisse ki 20% de bane zenfants né endéhor mariage.

Aukaine la loi dans code civil ou autre pas coze du devoir d'ene époux ou épouse pou content so conjoint. Mais dans l'islam, le mariage vivre par l'amour ou sois li pou durer par la clémence (miséricorde). Et sa l'amour là li ene bienfait ki Allah dépose dans le cœur de celui ki Li oulé. **« Bane ki dire : 'O nous Maître, donne nous femme et zenfants pou rafraichi nous lizié, et faire de nous bane l'exemples pou bane ki suive bon chemin. » Sa bane là, comme récompense, pou gagne l'étage (pou rester dans paradis), à cause de zot patience ; et pou recevoir zot là-bas avec « Salut » et la paix. »** (Al-Furqaan 25: 75-76).

Avant annonce la récompense, ena ene verset ki vini avant kot nous alle comprend ki l'amour li ene don d'Allah. Parmi So bane serviteurs, ena ki dire : *« O nous Maître, faire ki kan nous guette nous bane épouses et nous bane zenfants, zot rempli nous (lékaire) avec contentement. »* C'est sa l'amour là ki pou metté en rapport direct avec le paradis et la guidance.

Anou prend l'exemple du Saint Prophète Hazrat Muhammad (saw) dans la façon ki li ti pé traite so bane épouses, et l'amour exceptionnel ki li ti ena pour so deux épouses principales : Khadija (ra) et Aisha (ra). Kan Hazrat Khadija (ra) fine mort, même après so la mort Hazrat Muhammad (saw) fine cause de li en bien. Hazrat Aisha (ra) ti jalouse de Hazrat Khadija (ra) malgré ki zamais li fine trouve li. Le Saint Prophète (saw) ti pé mentionne le nom de Hazrat Khadija (ra) sans cesse. Et toujours en bien. Li ti pé entretenir bane bons relations avec bane proches de Hazrat Khadija (ra) même après la mort de Hazrat Khadija (ra). Li ti pé envoye la viande à bane camarades de Hazrat Khadija (ra) et li ti pé toujours alle de l'avant pou recevoir zot sak fois li ti pé trouve zot. C'est pourquoi, Hazrat Aisha (ra) ti bien jalouse.

Par sa bane actions là, le Saint Prophète (saw) fine donne nous ene leçon important pour la stabilité conjugale : ki kan ene kikaine content so conjoint, sa veut aussi dire content et honore sa conjoint là so bane parents et so bane proches. Le Saint Prophète (saw) ti pé rêve de so madame Khadija (ra) et li ti pé raconte sa à Aisha (ra). Li ti trouve ene ange amène Khadija (ra) dans ene drap. D'ailleurs so mariage avec Aisha (ra) même ti commence avec ene rêve ki divinement inspiré kot pé fer li conne le statut d'Aisha (ra) dans so la vie, c'est-à-dire, ki Hazrat Aisha (ra) li so madame.

De plus, le Saint Prophète (saw) ti pé fer li ene devoir pou sorti en compagnie de so bane madames. Li ti éprouve le besoin pou reste auprès de so épouse (Aisha) surtout à la fin de so la vie. Fine rapporté ki ene voisin persan du Saint prophète (saw) ti invite li et le Saint prophète (saw) fine demande li si pas so madame capave vini aussi, et voisin là fine refusé. Par trois fois, le Saint Prophète (saw) fine refuse invitation là ziska ki finalement so madame aussi fine invité.

Kan Aisha (ra) ti vraiment encolère contre le Saint Prophète (saw) li ti habitué dire : « *Non, par Bondié de Ibrahim !* » et li ti pé dire sa pour exprime son désaccord avec le Saint Prophète (saw) et kan tout ti pé passe bien entre zot, li ti pé dire: « *Oui, par Bondié de Muhammad !* » Aisha (ra) ti pé raconté ki li ti pé seulement éloigne li de nom de Hazrat Muhammad (saw).

La colère pas efface nannié de l'engagement : tout dimoune perdi zot sang-froid et éprouve la colère. Bane sauts d'humeur ti existé, même dans la famille du Saint Prophète (saw). Mais saki important c'est ki faudé zamais exagérer dans bane divergences (dans bane désaccord) afin ki Satan pas capave saute lor l'occasion pour envenime davantage la situation.

**Couma Khadija (ra) et Aisha (ra) ti pé comporte zot avec le Prophète (saw) ?** Khadija (ra) ti pé donne ene bon l'accueil à so missié et ti pé soutenir li moralement et financièrement. Aisha (ra) ti conne bane l'habitudes du Saint Prophète (saw) et ti pé respecté sa. En effet, kan le Saint Prophète (saw) ti malade, Hazrat Aisha (ra) ti pé contigne bane l'habitudes ki Hazrat Muhammad (saw) ti ena. Ene jour, ene garçon de Hazrat Abou Bakr (ra) fine rentre kot le Prophète (saw) avec so *Siwâk*; le Saint Prophète (saw) fine guette *Siwâk* là et Aisha (ra) fine tout de suite compran ki li ti envie lave so les dents avec ene *Siwâk*.

L'amour et la spiritualité marche de pair. Bane époux (missié-madame) encourage zot entre zot-même pou faire le bien. Ene mari ki cherche pou vine près avec Allah, oulé même zaffaire pou so madame aussi et vice-versa (c'est-à-dire, madame là aussi oulé bane même du biens pou so missié). Zot prépare tous les deux zot séjour dans l'au-delà. Pour ki le mariage réussi, bizin ena l'amour, mais li capave arrivé ki après ene certain temps avec le passage du temps, népli ena l'amour et alor saki rester c'est la miséricorde (*Rahmah*).

**Kifaire (ene couple marié) reste ensemble dans la clémence ?**

**a) Le couple li lié par zot bane zenfants. En premier lieu, maman là.**

« **Bane mamans va donne boire zot zenfants pendant deux l'années entiers, si zot oulé donne du lait zot zenfants pou ene période complète. Papa là ena responsabilité pou nourri et habille bane mamans là dans ene façon raisonnable. Personne pas pou gagne plus la peine ki li capave supporter. Pas laisse ene maman gagne misère à cause so zenfant, ni ene papa besoin gagne misère à cause so zenfant. Héritier (si papa là mort) ena même responsabilité (ki papa là).** » (Al-Baqara 2: 234).

**b) Pour raison économique.**

Bane besoins sa épouse là et aussi so rôle comme maman, c'est missié là ki bizin occupe li dans le cas d'ene séparation parski sa madame là li généralement dépendre financièrement de so mari.

**c) Au nom de bane sentiments ki zot ti partagé auparavant, de chemin ki zot fine fer ensam.**

Nous tous concerné par ene ou plusieurs défauts (ki li sois nous propre défauts ou sois défauts de nous conjoint). Li capave arrivé ki avec le temps l'attirance pour nous épouse ou époux diminué et alor c'est seulement la miséricorde (*Rahmah*) ki resté (dans le couple).

**d) Bizin ferme lizié lor bane points faibles.**

**« ... Vive avec zot dans ene façon raisonnable, même si zot pas faire ou tout à fait plaisir. C'est possible ki ou pas content kitchose, mais Allah fine mette bocou de bénéfice. »** (An-Nisa 4: 20).

Le Saint Prophète (saw) fine dire : « *Faudé pas ene croyant haïr ene croyante (c'est-à-dire, so madame). Si li détester ene trait de so comportement, alor li bizin content ene l'autre (trait de comportement dans li).* »

**Concernant bane zenfants :** Sayyidina Ali (ra) fine conseille à so bane disciples : « *Pas fassonne ou bane zenfants pou fer pareil couma ou ; zot fine né pour ene l'époque différents de saki pou ou.* » Bizin laisse bane zenfants épanouir, tout en encadrant zot. C'est ene de bane premiers droits fondamentale de l'enfant pour bane parents afin ki sa bane zenfants là apprane conne et content Allah et So prophète. *Insha-Allah.*

## **NOUVO L'ANNÉE ISLAMIQUE : MUHARRAM 1438 HIJRI**

Par la grâce d'Allah, nous pé rentre dans quelques jours dans le premier mois de nouvo l'année islamique, Muharram de l'Année 1438 Hijri. Mo espéré ki sa nouvo l'année là témoigne du progrès spirituel de sakaine d'entre mo bane disciples du monde entier, ainsi ki bane les autres musulmans. Ki Allah béni nous durant sa nouvo l'année islamique là et prépare nous encore plus solidement pour la mission ki Li fine donne nous. Ki Allah accepter nous bane humbles prières (Namaz et duahs) et nous bane zéffore pour la consolidation de l'Ummah Islamique et pour répandre le parfum de So l'unicité et de So gloire unique dans le monde entier. *Insha-Allah, Ameen.* Sur ce, mo souhaite à zot tous, ene ***Naya Saal Mubarak.***